

Paerewa Paetae

Aronga Ngā Mahi a te Rēhia 3.5

Ingoa Te whakaatu māramatanga ki ngā kaupapa here o te ao toi whānui i roto i ngā mahi a te rēhia

Kaupae	3	Whiwhinga	4	Aromatawai	Ā-roto
Marau akoranga	Te Marautanga o Aotearoa				
Kokonga akoranga	Ngā Toi				
Mana rēhita	Kua rēhitatia	Te rā i mana ai	17 Whiringa-ā-rangi 2016		
Te rā e arotakengia ai	31 Hakihea 2020	Te rā i puta ai	17 Whiringa-ā-rangi 2016		

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Ngā Mahi a te Rēhia

Ka tūhura, ka whakawhanake, ka whakaatu, ka arotake:

- *[tūhura] i ngā huarahi whakamātau ariā;*
- *[mahi] i ngā ariā mō tētahi tūmomo mahi;*
- *[mōhiotanga] i tōna matatau ki ngā mahi;*
- *[maioha] i āna mahi.*

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae</p> <p>Te whakaatu māramatanga ki ngā kaupapa here o te ao toi whānui i roto i ngā mahi a te rēhia.</p>	<p>Hei tohu i te paetae:</p> <p>Ka matapaki i ngā kaupapa here e hāngai ana ki tētahi horopaki. Ka whakamārama i te pūtake o te kaupapa here me ōna āhuatanga, ka taunaki ai.</p>
<p>Kaiaka</p> <p>He kaiaka te whakaatu māramatanga ki ngā kaupapa here o te ao toi whānui i roto i ngā mahi a te rēhia.</p>	<p>Hei tohu i te kaiaka:</p> <p>Ka whakamārama i ngā tikanga whakahaere o te kaupapa here, me te pāpātanga ki horopaki kē atu. Ka matapaki i ngā hua o te kaupapa here, ka taunaki ai.</p>
<p>Kairangi</p> <p>He kairangi te whakaatu māramatanga ki ngā kaupapa here o te ao toi whānui i roto i ngā mahi a te rēhia</p>	<p>Hei tohu i te kairangi:</p> <p>Ka whakamārama i ngā tikanga whakahaere o te kaupapa here, me te pāpātanga ki ngā horopaki huhua noa. Ka whakatau whakaaro mō ngā hua whānui o te kaupapa here, ka whakataurite ki kaupapa/horopaki kē atu, ka āta taunaki ai.</p>

Kōrero Āpiti

E whai ake nei ngā whakamārama o ngā tino kupu, kīanga rānei:

kaupapa-here	Te mahi ngātahi, ngā ture ā-rohe, ngā tikanga Māori, ngā take manatārua/kirimana, ngā tikanga o te whare whakairi toi/whare tongarewa, ngā tono hoko mahi.
ngā tikanga whakahaere	Ngā ritenga e kawea ai, e whakatinanatia ai tētahi kaupapa here

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
